



宋鑰碎錄卷之第三

蛇書

魯人唐終夢蛇遶身作蛇書

一筆書

張芝所作

龍爪書

王羲之所作

虎爪書

王僧虔作

芝英書

武林高瑞甫
宋鑰書畫印



漢歌芝房之曲因名之

轉宿書

司馬子常以熒惑退舍作轉宿書

藁書

藁書乃草行之文董仲欲言災異為之

科斗書

科斗書高陽氏作

龜書

堯因龜負圖作龜書

鍾鼎書

夏后氏作鍾鼎書

鳥書

文王因赤雀御書武王丹鳥入室作鳥書

虫書

魯秋胡妻翫蚕作虫書

爰書

爰書者伯氏所職故文記笏武記爰

刻符書

刻符書用題印璽秦始皇作

署書

易天家記

蕭何題蒼龍白虎二闕作署書自章草書至此並出書斷

點翰

點翰芳春色傳盃明月光出沈佺期詩

筆長三寸

高僧敬脫善書大字筆長三尺其粗如人臂乞書者一字而已

太湖精

李頌贈張旭皓首窮草隸時稱太湖精

官奴

右軍書樂毅論與子敬論後題云書賜官奴奴子敬

小字也

書芭蕉

懷素家貧種芭蕉萬株以供揮洒又漆一盤一方板書之皆穿書法苑

金昆

新論以金昆為琅晉書以黃頭小人為恭說文以人十四心為德詩說以二在天下為西漢書以泉貨為白水真人國志以天上有口為吳朱書以召刀為劬叅同契以人負告為造皆假借依附耳出家訓

改國字

則天好改新字有言國中有或或者惑也乞以武鎮之乃改為國復言武口中與囚何異乃改作國從或出拾遺

斯翁之後

李陽冰自言斯翁之後直至小生國史補

隼尾波

草書須緩前速後字有點者字竟乃安點隸書太急則墨不入紙隸有繫石波八分至有隼尾波最為難作書訣

鐵點

點欲堅重如鐵鉤欲活而有力書訣

好中更好

虞世南書躰段道媚舉止不凡能中更能好中更好書訣

水硯城池

筆陣圖云水硯為城池也紙者陣也筆者刀稍也墨者甲兵也心意者將軍也結構者謀畧也書訣

寶章集

武后嘗御武成殿閱書問宰相王方慶曰卿家舊法書存平方慶遂進自右軍已下至僧虔等二十餘人

書怙後命崔融作序賜名寶章集嘉話

庠序門

大學辟廱附

教化之宮

五經通義曰三王教化之官摠名為學

踐小義

尚書大傳曰稷鉏已藏歲事欲畢餘子皆學十歲始入小學見小節踐小義十八始入大學見大節踐大義

辟廱

白虎通辟者象壁國法天雍之以水象教化流行

類宮

五經通義諸侯不得觀四方故缺東以南半天子之學故曰類宮

春千秋羽

春千秋羽委曠而弗陳西序東膠寂寥而誰仰任妨為劉瓛求立館耒

飲水三升

魏名臣奏曰蔣清奏學者不恭肅慢師酗酒好訟罰飲水三升

麟趾學

明帝立麟趾學在朝有藝業者不見貴賤皆聽預焉

工一黌兩學

二黌兩學盛自虞殷

上庠

有虞氏大學為上庠小學為下庠

諸生束脩

諸生束脩比之皇太子只束帛一筐一疋酒脯同

槐市

三輔黃圖云太學列槐百行諸生朔望會此客持鄉郡所出物賣之及經傳相議於槐下曰槐市

水四周

三轉黃圖曰辟雍水四周於外蒙四海也閑居賦亦謂之圓海

延國胄

右延國胄左納良逸閑居賦

虎園

出龍樓而問豎入虎園而齒胄虎園教國子之學所也 王元長詩序

羣書添板

真宗幸國子監觀羣書添板

易天宗墨記

五經書

顯宗為四姓小侯立學置五經師

書檄門奏記附

挂檄

劉許有高節張稷以檄召許為主簿乃挂檄於樹而逃

弄筆生

祖彥博仇李密為草檄深斥主闕密敗被執即將王拔柱曰弄筆生有餘罪感其心即死

插上磨墨

北史荀濟曰大丈夫會插上磨墨作檄文

因書文

况乎千里之外因書文諭事指韓延壽傳

科第門

射策

蕭望之以射策甲科為郎注射策者謂為難問疑義書之於策量其小大署為甲乙科射者隨其所取得而釋之以知優劣

報羅使

進士放榜後須有一人謝世名報羅使言報大羅天

也

太常屈

送人下第莫嗟太常屈便憶蘇門嘯 耿綿詩

天荒解

荆南解比號天荒太中四年劉蛻以是府解及第時
崔鉉作鎮以破天荒錢七十萬資蛻云

第恩子

元結少不羈年七十乃折節向學天寶中舉進士禮
部侍郎楊浚見其文曰一第恩子耳有司得子是賴
果擢上第

狀頭聲

鄭合敬及第後宿平康里詩曰春來無處不閑行楚
閨相看別有情好是五更殘酒醒時時聞喚狀頭聲

題名

題名起自張莒於寺間閑遊而題姓名同年効之遂
成故事

龍虎榜

龍虎榜時陸贄知舉

三恨

薛中郎元超曰吾不才富貴過分然平生有三恨不

以進士擢第不娶五姓女不得脩國史 隋唐嘉話

一莢半

泉州文宣王廟庭有皂莢樹每州人登第則先生一莢梁貞明中忽生一莢半其年陳述進士及第黃仁穎學究及第出稽神錄

大通年

大和八年放榜有無名子作詩曰乞兒還大通年二十三人挽杖全薛庶准前騎瘦馬范鄴依舊蓋番羶

諸葉

吳興沈氏相見問葉不問房唐沈詢尚書知舉其母

曰近日崔李侍郎皆以宗盟及第汝叨此選諸葉中擬放誰也

打鼯耗

北里誌下第飲晏謂之打鼯耗

名官海 見祿仕門

飲墨

北齊策秀才於廟堂中有濫者飲墨一升文理孟浪者奪席

最後仙

花二八與元白同登貞元制科最居後有詩云人間

楊氏家言
不會雲間事應笑蓬萊最後仙

蘭成射策

庾信哀江南賦王子洛濱之歲蘭成射策之年 古
周書云師曠聘用於洛陽王子晉時年十五信十五
舉荊州秀才故云蘭成信小字

殿試

唐則天載初元年策問貢人于洛成殿

糊名

唐初擇人以身言書判六品以下集試選人皆糊名
令學士考判

探花使

進士杏園初晏謂之探花晏差二人少俊者為探花
使徧游名園若他人先折得名花則二使皆被罰秦
中歲時記

白臘明經

張鷟号青錢學士謂万選万中時有明經董方舉九
上不第号曰白臘明經 朝野僉載

千佛明經

張淳東陽之孫敏舉進士不第捧登利記頂戴之曰
此即千佛名經也雜記

五老榜

杜德祥於曹松王希羽等五人及第年六十餘時謂之五老榜據言

夢踐積木

孫渥夢積木數百踐履其上李處士圓之曰作狀元居衆材之上也已而果然據言

甲科郎

何武以射策甲科為郎

武氏三頭

武翊黃府選為解頭及第為狀頭宏詞為較頭時謂

武氏三頭語林

真桂枝

孟郊失意詩云真桂無直枝碧江思舊遊

榜花

唐大中以來禮部放榜歲取二三人姓氏稀僻者謂之色目人亦曰榜花南部新書

貢樹

貢樹分香相連擊艷注云於貢籍之桂樹分香也殷文圭啓

榴實登科

邵武郡庭有石榴一株士人視所實之數以為登科之驗熙寧庚戌歲有雙實於木末者又有附枝而雙實者是歲葉祖洽上官均名在一二何與京兄弟同勝祖洽有詩曰不負榴花結露枝蓋謂此也

將相科

公為叅政議以進士登科擇堂吏公曰我朝設此謂將相科豈可屈以吏職議乃止言行錄

孤進還丹

金華子許崇晚年登第嘗謂人曰自得第一筋骨輕健愈於少年則知一名乃孤進還丹

策同片玉

褚遂良疏云太學高第語州進士皆策同片玉經若懸河

泥金帖

新進士以泥金書帖附家書中報登科云喜至文宗朝遂寢此儀盧氏雜記

雨破程

鄭翺下第東歸花燒落第眼雨破到家

應舉門雜科附

爛銀袍

易天家記

李涼公詩云袍似爛銀文似錦相將白日上青天據
言

計車音

趣當鄉士薦無滯計車音

道舉

唐明皇諸州置道學生徒有差謂之道舉送果試與
明經同

槐花黃

秦中歲時記進士下第當年七月後復獻新文求拔
解故語曰槐花黃舉子忙

計偕

漢武四年徵民有明當世之務習先聖之術者縣次
給食令與計偕

飛步

弱冠叅多士飛步遊秦宮鮑明遠

勸駕

漢高帝詔有稱明德者長吏必身勸為之駕注謂身
自往勸以車駕而遣之

樂府門

官不來

官不來古風也題皇甫湜廳

樂白紵歌

白紵歌云質如輕雲色如銀製以為袍餘作巾袍以
光軀巾拂塵

桃半紅

沈約詩蘭葉參差桃半紅

戰城南

其詞大畧言戰城南死郭北願為忠臣出戰不得歸也

雉子班

苦寒行

懷交嘆

並古樂府

甘州詞

王衍自製甘州詞令宮人歌之其詞哀怨聞者悽愴
並外史檮杌

水調曲

外史檮杌王衍泛舟巡閣中自製水調銀漢曲命樂
工歌之

唱黃雞

白樂天詩誰道使君不解歌聽唱黃雞與白日黃雞
催曉丑時鳴白日催人酉時沒

江南歌

采菱調易急江南歌不緩謝靈運

明月吹

悽悽明月吹惻惻廣陵散皆琴曲

苦寒奏

一聞苦寒奏載使豔歌傷江文通

傷歌行

古樂府有傷歌行言日月代謝知交離絕傷而為歌

長短歌

樂府有長歌行短歌行

怨詩行

班婕妤有怨詩行自傷寵移也

陌上歌

羅敷豔歌注云陌上采出秦氏女也秦氏邯鄲人有女羅敷為邑人王仁妻仁後為趙王家令羅敷採桑陌上王登臺見而悅之欲奪焉羅敷巧彈箏作陌上之歌以自明

狹邪行

樂府詩有長安有狹邪行言世路險狹邪僻正直之士無所容也

吳趨行

易天家墨記

樂府有吳趨行云四坐並清聽聽我歌吳趨吳趨自
有始請自閭門起趨步也此曲吳人歌其士風也

六引緩清唱三調佇繁音六引古歌曲名

會吟

謝靈運有會吟行云會吟自有初請從文命敷注會
會稽也與吳趨同意禹諸侯於此

東武吟

樂府詩人有少壯從征伐年老被弃游於東武者不
敢論功但戀君耳

白頭吟

言人相知以新聞舊不能至於白首

升天行

鮑明遠樂府詩言學仙也

游子吟

請為游子吟吟吟一何悲

江南調

劉休玄悲發江南調憂委子衿詩注采蓮曲也

秦郎

阿翹後出宮嫁金吾衛長史秦誠為妻誠出使新羅

易天家墨記

阿翹登樓擊方響寫恨撰小詞名曰憶秦郎誠亦於是夜傳其曲拍歸曰合之無

陸村文懊惱歌

晉石崇為綠珠作

白日歌

張融白日歌云白日白日舒天照暉數窮無盡盛滿而衣

白雲謠

穆天子傳穆王觴王母於瑤池之西王母為王歌白雲之謠其辭云云

驄馬驅

古樂府也多述出征之勤劉孝威云一隨驄馬驅分受青蠅予

下門關

魏收求世樂綺窻斜影入上客酒須添門關今可下落珥不相嫌

馬上曲

長城公昭君詞只餘馬上西猶作別時聲

古樂府鞠歌行

古樂府陸機序言謂賦鞠也

易天家墨記

迎客曲

古樂府也徐勉詞云絲管列舞席陳含聲未奏待嘉賓羅絲管舒舞席斂袖破唇迎上客

送客曲

袖續紛聲委咽餘曲未終高駕別爵無算景以流空汗長袂客不留徐勉作

夜痛

漢武帝立樂府採詩夜誦有趙代秦楚之謠注夜誦言辭秘故止於夜誦歌也

楚妃長別離

楚妃長別離古樂府

大雅吟

秋江九日

白眉郎

並出古樂府

王節士

陸厥有臨江王節士歌云木葉下江波連明月照浦雲歇山秋思不可裁復帶秋風來秋風來已寒白露驚羅紈節士慷慨上衝冠彎弓掛若木長劔竦雲端

淫豫歌

一作豔預梁簡文辭云淫豫大如服瞿唐不可觸金沙浮轉多桂浦忌經過

估客樂 見離別門

陽春旦

徐孝嗣白雲歌所恨輕寒早不追陽春旦

挑葉歌

王獻之情人菀葉歌云菀葉復菀葉菀葉連菀根相
憐兩樂事獨使我纏綿菀葉復菀葉渡江不用楫但
渡無所苦我自迎接汝

舞媚娘

古樂府也又有五媚娘歌

江南岸

梁武帝辭云衆花雜色滿上林舒芳搖綠垂輕陰連
手蝶躩舞春心舞春心臨歲臆中人望盡獨蜘躩

瑟瑟辭

陳思王十一年中三徙都作瑟瑟調歌辭言轉蓬之
不定

河畔草

青青河畔草綿綿思遠道

平調

古樂府君子行五言平調注瑟有三調清調側調也

傷歌行

注云傷日月代謝年命道盡離絕知友傷而為歌

古樂怨歌行

班婕妤作

短歌行

魏武帝作言人命不可得長須及時而為樂也

還鄉怨

出古樂府

碑碣門

碧落碑

絳州有碑篆字與古文不同頗奇恠李陽冰見而愛

之驗其文是唐初而不載姓名碑上有碧落碑三字

武部

武略門

制勝兩楹

析衝樽俎間制勝在兩楹

張景揚詩

捕舌

西平田旋要馬基背張瓘而應衛琳謂基曰琳擊其
東我擊其西不六旬天下可定斯閉口捕舌也

龍鈴

王勃太公贊豹韜攘惡龍鈴辟邪

王仲大謀成几案對英皇儲得休
謀成几案策定帷幄陸佐公石關銘

計如投水陸佐公石關銘

計如投水思若轉規陸佐公石關銘

四坐公

願與四座公靜談金匱篇謂與坐客談兵也李白詩

五兵權

胡虜三歎息兼知五兵權李白詩

文規武畧

文規武畧譽流朝野

席上過師

趙充國屯田十二策治湟陝中道橋令可至鮮水以
制西域伸威千里從席枕上過師十一也本傳

將帥門

絕甘

李陵素與士大夫絕甘分少能得人之死力

緹騎

續漢志執金吾緹騎二百人注云緹赤黃色

被羽

賈復被羽先登注被負也折羽為旌將軍所執

柳揚霆電

柳揚霆電驅率貔貅

粉潰

白羽纒揮凶徒粉潰

飛騎

隋唐嘉話貞觀選才力驍捷善馳射者謂之飛騎

平辭鞬

左屬平辭之鞬右握滅逆之矢

百金士

李牧得百金之士五萬人管破敵擒將者賞百金

本兵柄

漢絳侯為太尉本兵柄注執兵柄之本

士卒鳥藻

後漢杜詩上書今將帥和睦士卒鳥藻注言如鳥之在水藻

著翅人

後周韓果破稽胡散其種落稽胡号为著翅人文帝曰著翅之名寧減飛將本傳

地上虎

北齊高昂字敖曹兵趨商洛祭河伯曰河白水中之

神高教曹地上之虎行經所居故相沃酌

一瓜共食

北齊蘭陵王長恭為將每得一瓜必與將士共之

舉左旃

唐殷文圭投知己啓云將軍之舉左旃襲武者咸思
効勇公子之虛右席彫文者競願呈才汪漢衛青拜
大將軍開幕府舉左右旃招武士得前將軍趙充國
後將軍公孫敖等魏信陵君無忌招賢士虛右席得
侯羸宋亥等

虛右席見上

十二牙旗

自魏初大將行兵惟長孫嵩拒宋武及奚斤征河南
獨給漏刻及十二牙旗

鷓入鷓群

文宣謂高思好曰汝擊賊如鷓入鷓群

養虺成蛇

尔未榮討元顥欲迴師高道穆曰可謂養虺成蛇悔
無及矣

羊將狼

諸將皆與上定天下梟將也今乃使太子將之無異

使羊將狼皆不肯為用 張良傳

故等夷

諸將皆陛下故等夷 張良傳

掃境內

掃境內以屬將軍 項羽傳

驚伏

諸將驚伏注失氣之涉反 項羽傳

小飯

韓信令其裨將傳餐曰今日破趙會食注小飯曰餐

言破趙後乃當其飽食也 韓信傳

効首虜

諸校効首虜皆休賀 韓信傳

畔敵

將軍今乃有畔敵之名大為中國羞注畔敵謂不敢

當敵也

且戎幕

寄深且戎幕望重必台司 李白詩

應星文

羽林十二將羅列應星文霜伏懸秋月蜺旌卷夜雲

李白詩

天將

王維燕支行漢家天將才且雄來時謁帝明光宮

雄戟

乃命上將授以雄戟

自潤入

自永和間羗叛十餘年間費用八十餘億諸將多斷盜寧廩私自潤入

都都統

唐國子祭酒李涪刊誤云先帝時俳優恃恩寵為都知各允其謂一日大合樂樂工諠譁上召都知止之

三十人並進上曰止召都知何為畢至梨園使至曰三十人皆都知遂命李可及為都都知後僖宗至蜀王鐸伏節鎮滑臺且統關東諸將遂有都都統之號

憺隣國

名聲暴於夷貊威稜憺乎隣國注徒濫反陳留人語恐憺 李廣傳

不耦

諸宿將嘗留落不耦謂無功也 霍去病傳

禪王

得右賢王禪王十餘人猶言禪將也頻移反 衛青傳

姚
姚

霍去病為嫖姚校尉服虔日音飄搖師古日嫖頻妙
反姚羊召反勁疾之兒也本傳

彌節

將軍其率師東轅彌節白檀以臨右北平盛秋言秋
高防入寇也亡俾反李廣傳

攬戾執猛

謀臣武將皆能攬戾執猛破堅摧剛南都賦

奉成規

言奉承天子之成命也潘安石詩

擁旄

擁旄為漢臣

整戎綱

整戎綱列輕武七命

長轡遠御

長轡遠御妙略潛授孫子荆書

若神

穆宗問韓充破賊期對一月可破二旬克帝喜曰料
敵若神

乘軺建節

乘輅建節奉疆場之任 丘希範書

戎重

物茲戎重 丘希範書

董統

董統膺揚掃除凶逆董督也 陳孔璋檄

瓜牙信布

瓜牙信布腹心良平 漢贊

雲興之將

雲興之將帶州颺起之師跨邑 辨亡論

忠規武節

忠規武節未見如此其著者也 辨亡論

置利左右

曹仁少時不脩行檢及長為將嚴整常置科於左右案以從事

詩書將

帝命詩書將壇登禮樂鄉崔少帝出鎮夏州 杜牧詩

軍旅門 征役檄書附

五家兵

齊桓既得管仲脩齊國政連五家之兵注國語曰管仲制國五家為軌十軌為里四里為連十連為鄉以

為軍令

齊身押至

軍書交馳而輻湊羽檄重迹而押至音習押之狎

從軍樂

王仲宣詩從軍有苦樂但問所從誰

戎旃

契闊戎旃從容讌語旃旌也契闊勤苦也言從軍也

白徒

唐書六軍宿衛之士皆市人白徒

露布

古者文書不封而明告中外者皆曰露布自元魏以

來專為捷書寫以練帛建於漆竿

布槽

布槽征行飼馬取其輕便

梅林饒子

魏武行役失道三軍皆渴乃令曰前有大梅林饒子

甘酸可解渴聞之口皆出水遂得前進

雞毛系檄

漢高祖曰吾以羽檄召天下應劭曰以雞毛系檄魏武奏事曰今邊有警輒露檄挿羽檄以木簡為書亦

三才急之意也

雞鳴戒旦則飄爾晨征日薄西山則馬首靡託

雞鳴戒旦則飄爾晨征日薄西山則馬首靡託

趙景真書

披榛覓路

披榛覓路涉澤求蹊

趙景真書

朝霞啓暉

朝霞啓暉太陽戟曜

趙景真書

蹴崑崙

三五見醫卜門

蹴崑崙使西倒蹋太山使東覆

趙景真書

東平樹

東平之樹望咸陽而西靡蓋山之泉聞絃歌而赴節

劉孝標書

露板

封氏見聞記露板露布之別名

戰陣門

懸孤尾

唐會要吐蕃以累世戰沒為甲門臨陣奔北者懸孤尾於其首以表孤之性怯

將指

勾踐拒吳靈姑浮以戈擊闔廬傷將指將其一履還

注足大指也

除狼

孫堅破董卓軍或謂素術曰堅若得洛不可復制此為除狼而得虎也

輪臺

貳師軍至輪臺不下攻數日屠之

雲騎

雲騎亂漢南言如雲之多 王粲詩

一校

一校之隊言偏師也 曹子建表

偏舟

偏舟之任注亦偏師也 吳水戰故云 曹子建表

先登羽

將秉先登羽豈敢聽金聲 王仲宣詩

一舉勲

率彼東南路將定一舉勲 王仲宣詩

灌殘熒

祖君考為李密檄云瀉滄海而灌殘熒舉崑崙而壓

小邗

撻金鼓

易天家記

陷敵縱金鼓摧鋒揚旆旌劉孝標出塞詩

連夜

督軍鳴戰鼓連夜數更聲

蓬乾就火

蓬乾就火雲簿承陽李義山賀破賊表

投盃杖鉞

推枕援旗投盃杖鉞李義山文

胡鼓

朝暗戎塵夜喧胡鼓

涇渚水

投秦坑而盡沸噎渚水而不流言破敵也

宋鎖碎錄卷之第三


抄書




宋鎖碎錄卷之第四

靈鈺

裁舉靈鈺亦抽金僕言用兵也



一把子人

侯景望梁軍曰一把子人何足打

劣容脚指

胡藩從征司馬休之以刀頭穿岸劣容脚指徑上遂破之

効級

効級獻所得首級也

楊子家言
蓬轉隊

劉昶黨與三百人其驍捷者號餓鶻隊武力者號蓬轉隊

挑戰

挑茶了切謂身獨戰不復須衆也 高祖紀

猪突豨勇

王莽募囚徒人奴擊匈奴名猪突豨勇

黃聰年少

裴果從軍征討乘黃聰青衣袍每先登陷陣時人號為黃聰年少

甲不出身

傅豎眼為西征都督梁軍所在拒塞豎眼三日中轉戰二百餘里甲不出身頻致九捷

中堅

光武與敢死三千人衝其中堅注凡軍事中軍將最尊居中以堅銳自輔故曰中堅也 光武紀

音追北

北幽陰之處故謂退敗奔走為北說文云北乖也史記樂書曰紂為朝歌北鄙之音朝歌者不特北者敗也鄙者陋也 高祖紀

銜枚

銜枚止言語喧囂也周官有銜枚氏枚狀如箸橫銜之縵繫於項縵者結礙也繫繞也蓋為結紐而繞項也縵音獲絜音頤高祖紀

躡籍

兵相躡籍音臺登躡也或作躡

一首級

師古曰本以斬敵一首拜爵一級故謂一首為一級霍去病傳

坐收虜

漢兵即度幕人馬罷匈奴可坐收虜耳 衛青傳

喋血

今已誅諸呂新喋血京師太頡反字當作蹀為履步之耳 韓信傳

百下百全

奮精兵誅不軌百下百全之道也

雷鼓嘈嘈

雷鼓嘈嘈喧武昌雲旗獵獵過潯陽李白詩

九區

殺氣橫千里軍聲動九區李白詩

左傳鼓儵可也言敵人在儵岫險處未成列可古而擊之也

羽隊

屯羽隊於外林注持箭者七命

舉麾讚獲

叩鉦數校舉麾讚獲七命

詔勅戰攻

後漢馮異傳云以詔勅戰攻輒不其意私心決斷未嘗無悔

霆擊

今既發兵宜縱先至者深入霆擊

肉籬

周齊每以騎戰驅中國人為肉籬

風卷秋箨

風卷秋箨言用兵平敵之易如此

雨矢電矛

雨矢遂天狼電矛驅海若

雷輜蔽路

雷輜蔽路萬有三千餘乘言兵車之衆如雷聲也班

孟堅銘 欽萬有三十餘言六中七米以雷鼓也

朱旗絳天

朱旗絳天玄甲耀日 班孟堅銘

釁鼓染鍔

斬温禹以釁鼓尸日逐以染鍔 班孟堅銘

老上龍庭

躡冒頓之區落樊老上之龍庭 班孟堅銘

嚴鼓

嚴鼓未通凶渠泥首趙宣子曰嚴鼓一通步騎士悉至 陸仇公銘

禽廬九

折簡而禽廬九傳檄以下湘羅廬江九江二郡名湘羅二水名 陸仇公銘

壘鐺瓶鯢

凶醜闕地而攻子命穴浚斬真壘鐺瓶鯢以偵之鐺音雷鯢音武 潘安仁詩

雷戟鼓

高貴鄉公出雲龍門雷戟鼓

蚌蛤浮翔

陳思王上書云今東有覆敗之軍西有殪沒之將至

使蚌蛤浮翔於淮泗鼃鼉謹譁於林木

戎士承平

夫豈無謀戎士承平言不習戰而敗潘安仁詩

頃時發

我君頃時發桓桓東南征王仲宣詩

馬溢肥

軍中多飫饒人馬皆溢肥王仲宣詩

溺駮

北拒溺駮鍍西戡收組練注春秋感精符曰強傑並
侵戰兵雷合龍門溺駮朱均曰龍門魯地名也時齊

與宋鄭戰敗相殺血溺駮馬謝玄暉詩

曝奔鯨

長地固能剪奔鯨自此暴善本作曝

塘娘

塘娘之斧禦隆車之隧注隧猶轍也陳孔璋檄

炳飛蓬

若舉炎火以炳飛蓬覆滄海以沃燧炭陳孔璋檄

兵器門

犀渠

傳曰犀渠盾也唐書云吳人家鶴膝而戶犀渠

胡曰犀七重犀
劍縣三尺鞘鎧有七重犀

六屬鎧

文犀六屬鎧寶劍七星光

胡祿

胡祿以皮為器中可以地聽

鑱蛇鱗

蕃甲鑱蛇鱗

丈八蛇矛

丈八蛇矛左右盤出劉耀載記

水犀甲

夫差水犀之甲三千水犀之皮有珠甲山犀則無

蝦蟆車

劉劭攻豫州以大蝦蟆車載土蒙以牛皮三百人推以塞塹破之

蘭錡

武庫焚兵設在蘭錡注錡音蟻架也受它兵曰蘭受

弩曰錡

霜刃染剛鏃潤

霜刃染剛鏃潤

吳都賦

蘇氏樂揆懸刀吳勝風

揆懸刀騁絕伎注弩牙後刀一名機謝維賦選

弩日海溪子臣忝

溪子臣忝弓弩名關君賦

駮石

駮石雷駮激矢蝨飛普兒反關居賦

金鍊

金鍊照海浦金甲也顏延年詩

賜夷甲

越絕書勾踐被賜夷之甲帶步先之劔七啓

亡矢遺鏃

無亡矢遺鏃之費過秦論

泰一縫

武帝伐南越告禱太一牲荆畫幡日月北斗登龍以象太一三星為泰一縫命曰靈旗為兵禱則太史奉以指所伐國注牲荆荆之無子者皆繫齋之道天文志天極星其一明者太一也旁三星三公也畫一星在後三星在前為泰一縫也刑法志

渠谷

為之高城深塹且蘭石布渠谷蘭石雷石也渠谷鐵

疾藜也混蜡傳且蘭不亦果谷蘭不雷不也果谷雄

長鍛

鉏擾棘矜不敵於鈎戟長鍛山列及過秦論

去天烟端生火烟谷大一也帶三星三公也畫一星

矛端生火此兵氣也以以用兵昔古果商之重天文

丈八蛇矛出隴西彎弧拂箭白猿啼李白詩

白鵲旗

斬胡血變黃河水梟首常懸白鵲旗李白詩

首鎧

首鎧兜鍪也文鎧若盖及甲之異名

齊斧

首領不足以膏齊斧注云可以整齊軍旅也

蕭斧

蕭斧鉞斧也出魏都賦

衡朝

衡朝息於朔野兵車也蒲萌反辨士論

霹靂車

魏太祖為發石車擊紹樓皆破索紹衆號曰霹靂車

鞬鞞生蟻虱

易天京盛記

長楊賦鞮鞞生蟣虱介冑被霑汗

大弓矢門

芋頭鏃

箭鏃三鏃者謂之芋頭鏃出方言

步文

步文釋名受矢器也

大弓

退之詩大弓挂壁無由弯詩彤弓昭兮韻畧弓施

綠沉弓

唐太宗出獵詩瑊戈夏服箭羽騎綠沉弓

路弓乘矢

路弓乘矢路大也四矢曰乘

蹶張

申屠嘉以材官蹶張從高帝擊項藉師古曰今之弩以手張者曰擘張以足蹋者曰蹶張本傳

穀騎

穀張弩也 西漢

大黃

廣自以大黃射其神將注云黃眉弩曰黃眉即黃問

易天宗墨記

李廣傳

彎明月

劍決浮雲氣弓彎明月輝李白集

攬王弩

攬王弩摧狼狐洗清天地李白集

竹弦弓

附國即漢之西夷也用弓長六尺以竹為弦

角端弓

鮮卑出原羊角端牛以角為弓所謂角端弓者也郭璞注尔雅原羊似吳羊而角大漢書音義曰角端似

牛可為弓

電箭

蒼梧王畫齊高帝腹為射的引滿將射之左右王息諫曰領軍腹大是佳射棚而箭便死後無復射不如以電箭射之

婁矢

挹婁國弓長四尺如弩矢用楛長八寸赤石為鏃肅慎之國也魏志

弦驚

傷禽惡弦驚倦客惡離聲鮑明遠詩

雙鞬

氈帶佩雙鞬象弧插彫服注鞬居言切盛弓也服盛箭器鮑明遠

夏服

右夏服之勁箭左鳥號之彫弓七發

忘歸矢

忘歸矢箭名七啓

飛鋒

動觸飛鋒舉挂輕冒注箭也七啓

殼金機

殼金機馳鳴鏑金機弩牙也七命

積射士

漢書發積射士注積與迹同古字通用言尋迹而射之

鵲角

箭插鵲翎闊弓盤鵲角輕

九年成

闕子曰宋景公使弓工作弓九年成公曰矢遲對曰巨之精力盡矣獻弓三日乃死公登箕山而射矢踰西霜之山集彭城之東餘力逸徑飲羽於石梁也蔡

邕傳注

時力距來

蘇秦傳天下之彊力勁弩皆韓出谿子少府時力距來皆射於六百步之外注韓有谿子弩又有少府所造二種弩時力謂作之得時力距來謂能距來敵也

餓鳴叫

曹景宗曰吾騎快馬如龍拓弓弦作霹靂聲箭如餓鳴叫覺耳後生風鼻頭出火出南史

八牛弩

漢初得八牛弩以射楚軍矢達十里之外矢轂子

矰紅

西京賦注授射矢長八寸其絲名矰紅

素支

歷素支而冰裂注素支月支皆射帖名也 楮白馬賦

繁弱

左攬繁弱右接忘歸注新序曰楚王載繁弱之弓忘歸之矢以射兕于雲夢 嵇叔夜詩

左的

控弦破左的右發摧月支左的射的也月支射帖也 邯鄲淳藝經云馬射左邊為月支王枚馬蹄二枚曹

子建

射質古錢也文王射也

毛詩發彼有的注的射質也

甲兵門士卒附

雲車

尋邑園昆陽雲車十餘丈

號百萬

項羽兵四十萬號百萬沛公兵十萬號二十萬高祖紀

梟騎

北陌燕人來致梟騎助漢注梟健也又勇也高祖紀

武蠡精兵

如使狂夫叫呼於東崖匈奴飲馬於謂水京師雖有武蠡精兵未能窺左足而先應者也注窺音跬跬半步也言不舉足也音口婢反息夫躬傳

三屬甲

上身一髀禪一脛繳一漢志

尺籍五符

士卒盡家人子起田中從軍安知尺籍五符注尺籍所以書軍令五符軍士五五相保之符信西漢

關鞏甲

闕鞏之甲武王所以克商闕鞏國名左傳

薄戍繇鞏無異蛛蝥之網弱卒瑣甲無異螳螂之衛

魏都賦

材官

漢選能引強蹶張材力武猛者以為輕車騎士材官
如有寇警平地用事騎山阻用材官水泉用接舡

釋甲執水

左傳釋甲執水言無戰志水箭筒可以取飲也

温面

朱全忠攻滄州劉仁恭悉發男子十五以上為兵温
其面曰定霸都之兵

七萃士

雲屯七萃士魚麗六郡兵 虞子陽詩

裹糧坐甲

左傳裹糧坐甲固敵是求正義曰用則被之於身不
用則坐之於地

西蓋

將士絕無後者求其親戚以後之

虎豹騎

易天家

曹純督虎豹騎從太祖圍南皮

鐵林騎

西邊呼鐵鷁子為鐵林騎東齋記事

綠沉甲

隨文賜張大淵綠沉甲獸文具裝

旗鼓門

援枹

張侯曰師之耳目在吾旗鼓進退從之乃援枹而鼓

枹鼓槌也

靈夔鼓

黃帝以靈夔為鼓聲聞百里物類相感志

隤銅丸

元帝置擊鼓殿下自臨軒檻上隤銅丸以擣鼓声中

嚴鼓之節注隤下也擣投也 史丹傳

嚴鼓

李奇曰莊嚴之鼓節也晉灼曰疾擊之鼓也師古取

李史丹傳

潭潭村鼓

潭潭村鼓隔溪聞永叔詩

逢逢

退之詩不踏曉鼓朝安眠聽蓬蓬

靈鼉鼓

靈鼉鼓徒河交上林賦

營壘門

高祖

項王為高祖置大公其上李奇曰軍中果櫓方面人

謂之祖也高祖紀

轅門

軍行以車為陳轅相向為門故曰轅門

戲下

諸侯罷戲下谷就國注謂軍之旌麾也許宜反亦讀

曰摩漢書通以戲為麾見竇田傳高祖紀

君子營

石勒陷冀州其衣冠人集為君子營

刀斗

李廣將兵行無部曲行陣不擊刀斗自衛注刀斗以

銅作雙受一斗晝炊飯夜擊待行夜名曰刀斗雙音

譙

鼓一通

凡軍行日出日沒時撾鼓千槌三百三十槌為一通

通鼓音止角音動吹十二聲為一疊角音止鼓音動
如此三角三鼓為昏明畢之過陟瓜反

角一疊見上

地聽

凡備敵令人枕空胡祿臥有人馬行三十里之外東
西南北皆響見於胡祿中名曰地聽

驃騎幕

賀若弼為吳州摠管遺壽州摠管源雄詩曰交河驃
騎幕合浦伏波營勿使騏驎上無我二人名

基詩

別營基詩潘安仁詩

柳市

周亞夫為將軍次細柳注在昆明池南今有柳市是
也一宿曰宿再宿曰信過信曰次本傳

盜賊門

封豕

吳為封豕長蛇楚人謂猪為豕吳都賦

姦回

姦回內鼎兵纏紫微音倫魏都賦

假氣游魂

易天家墨記

假氣游魂迄子四紀言吳蜀僭位逋誅也孫子荆書

魚游沸鼎之中燕巢飛幕之上

丘希範書

吳國姓脫來為兵入

脫來為兵裂裳為旗晉紀論

金鉗子

漢成帝鴻嘉三年天水冀南山大石鳴声隆隆如雷
民俗名曰石鼓石鼓鳴存兵是歲廣漢鉗子劫略吏
民自号曰山君注謂鉗徒也

為之囊橐

為之囊橐注言容止盜賊若囊橐之盛物也

空道

接蘭姑師小國當空道攻劫漢使注空即孔也江南
野史周世宗下江北不能安撫百姓相與起義處處
保聚謂之白甲子以禦周師

大群盜

武帝以法制御下好尊用酷吏郡國二千石為治者
大抵多暴酷吏民益輕犯法東方盜賊滋起大群攻
城邑小群掠鄉里

踏榆賊

河間邢杲及衆至十萬先是河南人笑河北人好食榆葉故齊人号之為諧榆賊

大外多歷山飛

煬帝時賊帥魏刁兒自稱歷山飛衆十餘万

無端兒

唐高祖以十二人破草賊号無端兒數万

遊艇子

隋既平陳南海有五六百家居水為士命号曰遊艇

子楊素傳

虎子狼孫

舊唐書王廷湊贊曰鶴鷗為恠必取其昏人君失政為盜啓門牙旗金鉞虎子狼孫茫茫黔首於何叫閭

飛燕

黑山賊張燕剽悍捷速過人故軍中号曰飛燕

鼓樓

鼓樓起於北史李崇牧兗州州多盜賊崇乃村置一樓懸鼓其上以擒盜賊

兵法門

建瓴

漢書秦形勝之國其以下兵於諸侯猶高建瓴水也

前馬

戒竈驅前馬銜枚進後兵

合拳

兵法有合拳之喻出陸贄奏論言兵勢貴合也

兵春秋

兵春秋三篇藝文志

先見敗徵

朱義論武信君必敗數日果敗軍未戰先見敗徵可

謂知兵矣項羽傳

羊狼狼貪

朱義令軍中曰猛如虎狼如羊貪如狼強不可令者

斬為項羽請殺趙故項羽傳

軍典制

今聞其乃發軍典制謂以軍法從事司馬長卿

浮囊

行兵遇大水無舟梁以渾脫羊皮吹氣令滿繫其孔束腋下浮度曰浮囊

天鉞

城中氣出東其色黃名天鉞不可攻

走不逐飛

虞詡說任尚罷郡兵令出錢數千二十人共市一馬以討羗其言曰兵法弱不攻強走不逐飛今虜皆馬騎日行數百里來如風去如絕弦以步兵追之勢不能及

韓雲

韓雲如布趙牛楚曰宋車魯馬衛大周輪秦行人魏鼠齊縫衣越龍蜀困兵書也

卒逃歸

兵法卒逃歸斬之一日家人不捕執及不言於吏盡與同罪

玉鈴篇

兵法有玉鈴篇

軍糧門

發輶

往者數不料敵而師至於折傷并三發輶則曠日煩費威武虧矣注輶推也注南子曰內郡輶車而餉音而壠反

取給羸

魏武之初九州雲擾攻城略地保此懷民軍旅之資權時調給于時束紹軍人皆資棧棗素術戰士取給

羸蒲

半菽

士卒飢餒半菽不充

水戰門

金翅艦

陳世祖使華皎造大艦金翅等三百許艘為水戰之具

悅蓋海

蘇定方討百濟自城山海至熊津江口揚悅蓋海相續而至賊遂敗績

木客

勾踐使樓舡卒二千伐松栢為桴曰木客

巴地卒

揚素伐陳巴地卒遣數千乘五牙四艘以檣竿碎賊十餘艦遂大破之

樓舡將軍

南越反揚僕為樓舡將軍有功

黃頭郎

鄧通以濯舡為黃頭郎師古曰濯能持濯行舡也音直孝切士勝水其色黃故刺舡之郎皆著黃帽因号

曰黃頭郎

黃龍艦

楊素造大艦名曰五牙上起樓五層高百餘尺容戰士八百人次曰黃龍置兵百人自餘平乘舳舻等各有差

木狗

高穎詩尉遲迥為橋於沁水賊於上流縱大舡預為木狗以禦之

龍舟鳳艚

隋煬帝遣陸士澄往江南採木造龍舟鳳艚黃龍赤

艦樓舡等數万艘艚舩舡也音宿

飛靈艦

孫權乘飛靈大舡吳都賦

舟蓋長川

泛舟蓋長川陳卒被隰垵王仲宣詩

臨江塞要

若恃水戰臨江塞要

大小翼

越絕書伍子胥水戰兵法內經曰大翼一艘廣一丈五赤二寸長十丈中翼一艘廣一丈三尺五寸長五

丈六尺小翼一艘廣一丈二尺長九丈

御龍舟

魏文帝初黃五年為水軍親御龍舟稍蔡穎浮淮幸壽春

受降門

和欺

青州刺史桓和詔東昏出戰因降梁武帝先是俗謂密伯欺變者為和欺於是梅虫兒茹法珍等曰今日敗於桓和可謂和欺矣

阪上走丸

必相率而降猶如阪上走丸也荆通傳

質館

鄧太后令築南北两部質館注築館以受降質

如受敵

耿秉擊車師受降如受敵

禽虜

五朗為會稽太守兵敗降孫策使人詰責朗自稱禽對使者云云又言申脰就鞅足入絆

申脰就鞅見上

犒軍門

牢賞

應劭言多其牢賞注牢廩食也

中酒

項羽既饗軍士酒師古曰飲酒之中也

守禦門

徼循

秦有中尉掌徼循京師如淳云所謂遊徼循禁備盜賊也徼工鈞反

結草之固

方岳無鈞石之鎮關門無結草之固 晉紀總論

勝負門

以一為十

國淵子厚破賊以一為十大祖問之曰夫討外寇多斬之數欲大武功也

騎輪

孟明之敗匹馬騎輪無反者

傷敗踵係

傷敗踵係羽書日聞

吉語

陳湯曰不過五日有吉語聞

載路

降俘載路牛羊滿山

白骨交衢

肝腦塗地白骨交衢 潘安仁詩

衛兵門

羽林騎

漢武初置建章營騎後更名羽林騎言為國羽翼如林之盛顏注如羽之疾如林之多

熊騎

煬帝所領軍士名熊騎光宅年改鷹揚騎

鷹揚騎 見上

巖郎

羽林郎一名巖郎言禦侮巖除下也

緹騎

漢改中尉為執金吾緹騎二百人同僚之中斯最壯矣

宋鎖碎錄卷之第四

抄書 藏書

宋鎖碎錄卷之第五

政事禮儀部

官政門


霜滂

陳君賓禹鄧州刺史時喪亂之後諸州並遇霜滂唯君賓一境獨免

虎猶民

郭文能馴暴虎曰撫我則后虎猶民也虐我則離民猶虎也 神仙傳

乘驛問政



後漢顯宗器重北海王興每有異政輒乘驛問之

政猶張琴瑟

新序曰臧孫行猛政子貢非之曰夫政猶張琴瑟也大絃急則小絃絕矣是以位尊者德不可以薄官大者治不可以小地廣者制不可以狹民衆者政不可以苛

左建外易

史記趙良謂商君曰教之化民也深於命民之効上也捷於令今君又左建外易非所以為教也

霹靂手

裴琰之為同州司戶叅軍時刺史李崇義初輕之先是州中之舊案百餘道崇義促琰之命書吏數人連紙進筆頃刻而就詞翰甚美崇義大驚白公何忍藏鋒以成鄙夫之過由是知名号为霹靂手出唐史

吏安則人自靜

分浮上書漢明帝云事久則吏自重吏安則人自靜

銓選門

三銓

吏部尚書一人吏部侍郎二人分為三銓尚書中銓兩侍郎分為東西兩銓

流內

通典曰隋制九品自太師始焉謂之流內

四才三實

具真故事吏部擇人以四才三實四才謂身言判書
三實謂德行財用劬勞

百家譜

南史御史中丞王僧孺改定百家譜後王弘劉湛並
好其書弘曰對千客不犯一人諱湛為選曹始撰百
家譜以助銓序

斜封

唐中宗朝安樂太平諸公主用事東西置兩銓恣行
請託或有斜封受官預用來秋闕

甲午制

晉書王戎領吏部初為甲午制

賣官門

賣官

公羊鬻爵賣官三代無有起於秦漢之權利

以貲為郎

張釋之與兄仲同居以貲為騎郎如淳曰漢注貲五
百萬得為常侍郎本傳

行錢

豪富即或行錢得善部楊惲傳

散侯

後魏明帝輸粟八千石賞散侯六千石散伯四千石散子三千石散男

冗宮門

堂厨食利人

先是兩省以江淮富人給文牒周遊天下稱堂厨食利人諸道公燕居大將之上李德裕罷之出獻替錄

竈下養

更始所授官爵或有膳夫庖人特語曰竈下養中郎將爛羊胃騎都尉爛羊頭關內侯公羊傳曰炊烹為養

赦宥門

需宥有三

國朝之制凡需宥三曰大赦曰曲赦曰德音宋元憲云德音非可名制書乃臣下奉行制書之名天子自為德音非也唐常衮集赦令一門謂之德音

牛車散載

留臺奏請以李處孝文明无此事遣左右慰勉之聽

以牛車散載送之洛陽會赦得免

德號

出德號省刑罰如言德音也上林賦

迴霜収電

重蒙陛下愷悌之宥迴霜収電陸士衡表

起偃為豎

起偃為豎化屍為人言減刑之恩如此

笱動

王充論衡赦令將至則繫室笱動

削丹書

苟削丹書得夷平民丹書罪籍也陸士衡表

貢士門

白袍子

或有朝才譏宋濟日近日白袍子何太紛紛濟曰由

緋袍紫然國史補遺

充秀州閭

劉瓛奉秀才与其父書曰此歲賢人充秀州閭可謂得人

署行議年

與廉奉孝歲貢于外署行議年日夕于中

計考

詔曰今之計考古之貢士也

賦租門

奉公吏

何武弟顯家有市籍租常不入市嗇夫來商捕辱顯家顯怒欲以吏事中商武曰以吾家租賦不為衆先奉公吏不亦宜乎

廩假

後漢入稅租助郡國廩假注廩給假貨者也

詬租吏

縣省司刑官戶乏詬租吏

叫租吏

馬口錢

叫租吏李賀詩

漢元鳳年詔令民元出馬口

錢

口錢

宣帝行幸河東減天下口錢

摘抽稅

越多摘抽有稅謂之橙摘戶

戶口門

游戶

易氏家塾記

諸葛亮曰荆州著籍者少凡有游戶皆使自實

隱丁脫卒

上作通天臺未有人王中舒為中尉脫卒得數百人注隱漏未為卒也

左戶右戶

北齊分戶部為左戶右戶左戶主天下計戶口右戶主天下公私田宅課

朱出墨入

後周蘇綽始制文案程式朱出墨入及計帳戶籍之法

刑法門

攆撫

蕭何攆撫法令宜於令者作律九章乃著令

三尺法

客謂杜周曰君為天下決于不循三尺法注以三尺竹簡書法律也 本傳

次骨

杜周為中丞大言重遲而內深次骨注云其用法刻深至骨 本傳

秋荼

易天象記

傷秋荼之密網注荼葉繁密刑音如之王元長策秀
才文

誅始

幽執囹圄當為誅始 陸士衡表

俱之

李陵既頽其家声僕又俱之蚕室音二次也司馬子長書

科律

劉劭定科律作新令十八篇

僕區之法

左傳楚文王作僕區之法

正經三百

正經三百孔父創其威儀大法三千蕭何設其條貫

城旦春

前漢音義髡鉗為城旦春城旦者晝日伺殺夜暮築

長城春者婦人犯罪不任軍役之事故但令春以食

徒者

熏胥

蔡邕云下獲熏胥之事前書云史遷薰胥以刑音義

云相熏蒸得罪也

文致

易氏家言記

以文飾咄致人於罪

一切之法也

一時之法刀切物不容舒縮也

網目不踈

劉公幹以失敬罹罪魏文帝問曰卿何以不謹於文

憲指答曰臣誠庸短亦由陛下網目不踈

小加弘潤

賈充初定律令與羊祜共答太傅鄭冲冲曰臯陶嚴

明之旨非僕闇懦所採羊曰上意欲令小加弘潤

冲乃粗下意

長流

世俗呼治獄叅軍為長流蓋帝王世紀云帝少昊崩

其神降於長流之山於祀主秋秋官司寇主刑罰長

流之職故取秋帝所居為嘉名焉出家訓流一作留

鶴頭扭

隋書刑法志有鶴頭扭

法防

法防繁多則苟免之行興杜林之言

萬病丸

律有不應為法家易為附麗謂之万病丸御史臺試

易天家墨記

補一吏今斷案引法乃為不應為從重問之乃曰中
丞要重則上下添雜端要重則旁邊注幕府燕閑錄
枷有三脫

王悅為監屋鎮將軍士犯令扶而柳之百日迺脫未
百日脫者有王我死則脫尔死則脫天子之命則脫
由是後无犯者 國史補

孟青

侯思止謂決囚大棒為孟青 朝野僉載

鬼薪白粢

取薪給宗廟為界薪生擇未使正白為白粢皆三

歲刑也 西漢

五筭

惠帝六年令女子年十五以上至三十不嫁五筭注
漢律人出一筭二百二十錢唯賈人与奴婢倍筭今
使五筭罪謫之也

欲腐

景帝中四年赦徒作陽陵者死罪欲腐者許之注官
刑也丈夫割勢不能復生子如腐木不生實

鈇左趾跖

敢私鑄鐵器鬻鹽者跖左趾注鈇足鉗也徒計反鬻

古者字

孰正法

皇帝孰天下正法而許大王甚厚孰在委字曲也

金選品

甫刑云罰小過赦薄罪贖金選音刷即錢也其十一

銖一十五分

大辟

尚書正義辟罪也死是罪之大者故謂死刑為大辟

倍差

尚書正義其罰倍差者倍之又有差則不當一倍也

犯槐刑

齊景公有所愛槐令曰犯槐者刑傷槐者死有醉而傷槐者且加刑焉出晏子春秋

令式跣人

令式跣人不可以成官政出唐書河間王傳

具五行

漢興大辟有夷三族之令當三族者皆先黥劓打左右趾笞殺之梟其首以沮其骨肉於市謂之具五行韓信彭越皆受此誅

笞臀

景帝時當答賢無得更人

藁草

楚懷王使屈平造憲令藁草未定上官大夫見而欲奪之不與因讒曰平為令衆莫不知王怒踈乎史記

李法

黃帝李法曰壁壘已定穿窬不由路者殺注李者法宮之號也總主征伐刑戮之事故稱其書曰李法天文志左角李右角將

漢罪秦

言秦漢遷流罪人於南方以禦魘魅

金科玉條

金科玉條言法令也

洿豬刑

洿豬斃沒之刑寢焚瘞懸沉之禮備

負殺羊

魏後法巫蠱者負殺羊抱犬沈諸泉

麟趾格

後魏有麟趾格蓋律令格

權令

北齊定律令其不可為定法者別制權令二卷予之

並行

大律

後周司憲大夫拓拔迪奏新律謂之大律

贖刑

書曰金作贖刑謂誤而入刑出黃金以贖

三居

書五流有宅五宅三居謂有三等之居大罪四裔次九州之外次千里之外也

門房

後魏有門房之誅謂及其族屬

痕瘡

傳曰遇人不以義而見痕者與痕人之罪鈞惡不直也
以杖手歐擊人破其皮腫起青黑而無創瘢者律謂之痕瘡
痕音移瘡音鮪也

玉科金書

玉科重輕金閔墨綬金書去取更由丹筆謂刑法輕重在手也

桎梏

拳者兩手共一木桎梏兩手各一木在手曰桎在足曰梏
中罪不拳手足各一木下罪人去桎也

黑索

縲黑索纆繫也古人有罪用黑索繫之

民在鼎矣

趙鞅鑄刑鼎著范宣子所為書仲尼曰民在鼎矣何以尊法謂弃礼徵書也

十鼠空穴

三官駁鮑勛罪依律罰金二片帝大怒曰勛无活分而汝等敢縱之收三官以下付刺姦當令十鼠同穴

里端之籍

元假里端之籍而惡子咸誅歌錄鴈門太守行云

外行猛政內懷慈仁移惡子姓偏著里端謂以法令著於里間也惡子賊也

兩端

盧毓上論古今科律法宜一正不宜兩端便姦吏得容情偽魏志

誅戮門

懸首於木

懸首於木曰梟漢書注

顯誅隱戮

羣談者受顯誅腹議者蒙隱戮陳孔璋檄

景帝改磔注如音者

景帝改磔曰棄市勿復磔注磔張其尸也棄市殺之於市也取刑人於市與衆弃之也

斬首穴胃

今日斬頭穴胃何知程李灌夫傳

魚肉之

令我百歲後皆魚肉之手言食敢之灌夫傳

系頸蠻即

系頸蠻即懸首橐街陳孔璋檄

羅齊斧

羅身与嗣竟羅齊斧祖温贊

乘露車

陳制死罪將決乘露車著三械加拳手至市脫三械及拳手焉

白刃如領

羗叛和帝問段穎穎曰狼子難以思結唯當白刃加頸耳

獄訟門

揮鞞

王元長策秀才文或揚旌求士或設簾待賢注禹治

天下以五聲為銘於簠曰教我以道者擊鼓以義擊
鍾以事振鐸語以憂擊磬語以獄揮鞞

棘林

棘林多夜哭之鬼春秋元命包云樹棘槐聽訟其下
王元長策秀才文

歌雞鳴

于公少女緹縈詣闕歌雞鳴之詩上書救父王元長
策秀才文

吏訊

卒從吏部言下獄也鄒陽書

嬰金鐵

其次剔毛髮嬰金鐵受辱司馬子長書

圓門

抱痛圓門含憤獄戶李斯書

關三木

魏其大將也衣赭關三木司馬子長書

清室

絳侯囚青室七淨切司馬子長書

安南象

僉載安南有象能辨曲直有闢訟者象顛之有理

者即過无礼以鼻卷之擲空中教吏以牙接之

夏臺

風俗通云獄曰夏臺殷曰羑里周曰囹圄賓王獄中詩曰端夏夏臺

杓虛

漢書勾園十星杓曰賤人之牢牢中星實則囚多虛則開出

若盧獄

前漢若盧獄屬少府後漢和帝置若盧獄官漢舊儀云主鞠將相大臣也

牢尸

獄閉也後漢書云終填牢尸也

銀鑄

後漢董卓收佳烈付郿獄錮之銀鑄鐵鎮說文云銀鑄鎖也前書人犯鑄錢以鐵鎖銀鑄其頸銀音郎鑄音鑄

飲章

蔡邕被告下獄自陳曰臣為楚毒所迫促以飲章注飲謂隱也謂隱其告人姓名以問也章則表也

胥靡

楚王戊與吳通謀申公白生諫不聽胥靡之相靡隨也
也懸繫使相隨而服役之猶今之後囚徒以鎖懸綴之
楚元王傳

事白

張敖事白得出白明也

深探其獄

公孫弘疑淮南有畔遂計深探其獄注謂窮其
根原也淮南王傳

請室

白冠繫纓盤水加劍造請室而請罪耳注請罪之

室司馬子長書

證左

三長史使吏捕案張湯左田信等注左證左也謂
之左者言除罪人正身之外又取其左右者考門
之也

書獄

張湯為兒鼠盜肉湯取鼠具獄磔堂下父親文
辟如老獄吏遂使書獄

造獄

律無妻母之法聖人所不忍書此經所謂造獄者

也師古曰非常刑名造殺戮之法王尊傳

無證之辭

告案無證之辭暴揚難驗之罪蓋寬饒傳

共工獄

劉輔諫立趙婕妤囚于掖庭獄徒繫共工獄少府之屬官也亦有詔獄本傳

暴治理官

宜暴治理官与衆共之暴白也

丹棘

恨予在丹棘不得看素旗沈佺期在獄中聞友人死

頌繫

有罪當盜械者皆頌繫如淳曰頌容也言見寬容但處曹吏舍不入陞牢也

畫地為牢

畫地為牢勢不可入削木為吏議不可對西漢司馬遷書

園墻圍行皆獄也

斷獄門

日報

雖黥罪日報其執不止報論也

宿訟

宿訟兩讓而同歸疑獄得情而弗喜

奏當

奏當之成雖臯陶聽之以為死有餘辜當謂處其罪也
救臯傳

貞字署

有沙門訟田梁武帝大署貞字有司末辨劉顯曰貞字文為字上人帝忌其能出之

去酒省食

枉緩為太常治諸陵縣每冬月封具獄日當去酒省

食官屬稱其有息

問平友

雋不疑尹京兆每行錄因還母輒問有所平友活幾人耶有則喜笑為飲食无則怒不食反音幡言幡罪人辭使從輕也

薦牽門

七薦

吳越春秋子足骨與吳夫差王倫兵七薦孫子遂以為將

負朝廷

甄琛嘗謂朝士曰琛行不愧時但未薦李謚以此負朝廷耳

自同寒蟬

後漢杜密曰劉勝位為大夫知善不薦問惡無言隱情徇己自同寒蟬注寒蟬喻寂默也

推轂士

其推轂士及官屬丞史誠有味其言也鄭當時傳

毀稱

京房曰古帝王以切舉賢則萬化成未代以毀稱取人故功業廢

議禮門

國客

象胥凡國大表詔相國客之禮儀注謂諸侯使臣來弔者也

容典

後漢范曄論曹褒曰漢初叔孫通頗未經禮參酌秦法雖適物觀時然先王之容典蓋多缺矣

先問儀適 見對見門

九閣

後漢百官志漢家禮儀叔孫通所草制在隨律令在禮官藏於九閣

東觀集禮

禮記家語
曹褒撰次自天子至于庶人冠昏吉凶始制度為
五十篇奏東觀集禮

禮家聚訟

班固欲廣集諸儒共議禮制度得失帝曰作舍道旁
三年不成議禮之家名為聚訟昔堯作大章一斲足矣
曲臺記

七畧曰宣帝時行射禮博士后食為之辭主今記之
曰曲臺記曲臺行射禮之所任彥升行狀

祭祀門

請比隣

後漢張忠署孫寶為主簿遂祭竈請比隣

俎實

顏延年釋奠詩昭事是肅俎實非馨

王表

以薦王秉以荅神祐顏延年

蘭湯

浴蘭湯兮沐芳華采采若英九歌

電醮

千鍾電醮子曜反言酒醮如電疾也七命

耐金

易天家語記

漢武帝自八月嘗酎金令諸侯出金助祭所謂酎金也

上丁

釋奠通禮義纂云上下丁者取丁寧盡恭之意也

上辛

通禮義纂云上辛必以辛者取其齋戒日新也

寓錢

寓錢據唐臨冥報錄自唐以來始用之謂之寓錢言其奇錢形象於紙也

餼牽

殺之田餼生致日牽

魚菽祭

常之母有魚菽之祭何休曰齊俗婦人首祭事言魚豆者示薄陋無所有也

方明

太甲以東至祀先王於方明注觀禮諸侯觀天子為墻十有二尋加方明于其上孟康曰方明者神明之象也以木為之四方天畫六采東青西白南赤北黑上玄下黃

熙事

易氏家塾記

熙事備成言福熙之事備成也漢志齋房歌

孝熙

大矣孝熙四極美臻注熙福也漢房中歌

迪嘗

登城甫田百思迪嘗進也房中歌

蕃釐 見鬼神門

河龍共鯉

河龍共鯉醇犧牲注河龍夏之所賜者也供鯉給厨

百末旨酒

百末旨酒布蘭生師古以百草華末雜酒故香具美事

春秋繁露房中歌

新菜可灼

夏祭曰初言新菜可灼也爾雅

鬱金酒

梁元帝明堂齋官詩香浮鬱金酒煙繞鳳凰樽藝文類聚

鳳凰樽 見上

會龍罔

日月會於龍罔注罔丁邁及十月時也國語日月會於龍周家於是常祀也東京賦

逆釐

感動天地逆釐三神言迎福於天地人之神也甘泉賦

禮神囿

集手禮神之囿登手頌祇之堂為歌頌以祭祀神祇故曰頌祇堂

頌祇堂上

擁神休

擁神休明尊號甘泉賦

樵蒸

甘泉賦樵蒸焜上炬火也禮供祭祀之薪蒸粗日新

細曰蒸

秘祝

文帝除秘祝注秘祝之官移過于下國家諱之故曰秘祝

祝釐

文帝詔先王望祀不祈其福右賢左戚先民後已令詞官祝釐皆歸福於朕躬朕甚愧之釐福也音僖

中雷

五祀門戶井竈中雷注古者冗居故名室中為中雷

祠盛山

齊自太公以來祠盛山以迎日出音成

半凍涸

秦并天下祠名山大川春脯酒為歲禱因半凍秋涸

凍冬塞禱祠涸下故反塞音賽

竹宮

武帝用事甘泉圓丘天子自竹宮而望拜注竹宮去

壇三里郊祀志

紫幄

注饗神之幄也帳上四下而覆曰幄房中歌

馬社馬步

禮仲春祭馬祖仲夏祭先牧仲秋祭馬社仲冬祭馬

步

檀拓移

一羞蘋藻驟檀拓言移歲月也

神祖

白虎通共工之曰脩好遠遊舟車所至足跡所達靡不窮覽故祀以為神祖祖者徂也即行之義

鴻祀

東晉衷帝欲于殿前鴻祀侍中劉遵言此唯出大傳不在六籍劉向鄭玄雖為其訓自後不同前代以來

並無其式注以鴻雁來為候或曰鴻大也

請晴

漢制謂祭為請晴服赤情朱衣

卜日

開元禮大祀中祀卜日小祀筮日

齋禁

莫懷齋禁暫無聊謂差祠事也

天君

又祭天神号天君

元神

告成大報受釐元神天地也呂安髑髀賦云秦元神

下告皇祇顏延年

祭器門

圭瓚

鄭司農云於圭頭為器可以挹鬯裸祭謂之瓚

盛盆樽瓶

臧文仲燔柴竈夫子譏之曰盛於盆樽於瓶

死亡門

修文郎

顏回死為地下修文郎老杜詩修文地下即文云修

文地下深

典午

譙周嘗書版示文立曰典午忽兮月酉没兮典午

謂司馬也月酉八月也至八月而司馬文王崩

下世

秦穆先下世三臣皆自殘曹子建詩

朝霜

天地無終極人命若朝霜曹子建詩

遺挂

潘安仁悼云詩流荒未及歇遺挂猶在壁謂平生服

用之物

九逝

九逝非空思七襄無成文顏延年詩

長夜臺

翼翼飛輕軒駸駸策素旗按轡遵長薄送子長

陸士衡

溘死

寧溘死以流亡注奄也離騷

酒藏吏

戴洋死五日而蘇說死時天使其為酒藏吏

八威觀主

貞觀中西京道士張惠元忽謂門人曰吾被天書徵為八威觀主居數日無疾而終

羽翼幽沉

羽翼幽沉巧墁朽暗

百歲行人

百歲行人九泉歸客

九嶺殘日

九嶺殘日五達悲風

大夜

大夜銜輝窮泉漏澤

化死

莊子曰無怛化化死也

武捨石折

後漢武捨石折任文公曰噫西州智士死我乃當之

後三月果卒

歲至龍蛇

鄭玄字康成病夢孔子告之曰起起今年歲在辰來年歲在巳既培以識合之知命將終注巳為蛇辰為龍歲至龍蛇賢人嗟

萬人墳

唐帝溫臺披攝一人曰彼墳至大功須万日至期果卒

促界

悼賈傳之秀朗紆遠轡於促界

猿穴壞山

孔融臨終詩云河濱蟻孔端山壞由猿穴

上天衣

亡人座上作鬼衣謂之上天衣

長殤

十六至十九為長殤十二至十五為中殤八歲至十一為下殤七歲已下為無服之殤

終死

君子曰終小人曰死死之曰漸也事卒為終消盡為漸

孩抱中物

王戎喪子悲不自勝山簡曰孩抱中物何至於此

載牛車

張湯死其母載以牛車有棺而無擲

三日霧

帝王世紀伊尹卒天霧三日

樹椽

唐書寧王憲病時寒疑霜封樹或以為春秋雨木水
郡此亦名樹椽憲日俗諺樹椽達官怕吾其死乎果
覺

白瑤宮

李賀卒母夢賀言上帝建白瑤宮令作記又勅疑
虛殿使其纂樂章令為神仙中人甚樂也物類相
感志

金蟬質絹

李元中卒以金蟬質絹乃得歛焉陸機演連珠

履亡簪

江漢之君悲其墜屨少原之婦哭其亡簪

不愁遺

孔丘卒哀公誅之曰昊天不弔不愁遺一老俾屏予
一人言天不善於魯不早遺一老愁且也

絕命書

伍被謂淮南王曰臣竊悲大王弃千乘之君將賜絕
命之書為郡臣无身死於東官也伍被傳

絕命辭

息夫躬初待詔數危言高論自恐遭害著絕命辭後
數年繫獄死如其文 息夫躬傳

物故

前以降及物故兄從蘇武還者九人注謂死也言其
同於鬼物而故也

大故

含憂虞表限之以大故注謂死亡也

綠雲迎

人吹玉簫去天借綠雲迎

松下塵

李白詩昔好盃中物翻為松下塵言其人死也

宋鎖碎錄卷之第五

抄書